



## SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08) izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2007. GODINU **BOSANSKOHERCEGOVAČKE STRANKE PRAVA**

Broj: 03-07-6-893/08  
Sarajevo, 14.01.2009. godine

## *SADRŽAJ*

MIŠLJENJE REVIZORA .....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole.....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE.....	6
5.1. NALAZI .....	6
5.2. P R E P O R U K E :.....	6

## MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine (u daljem tekstu: Služba za reviziju) izvršila je pregled godišnjeg finansijskog izvještaja **Bosanskohercegovačke stranke prava** za 2007. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

**Stranka nije ispoštovala odredbe člana 11. stav (3) Zakona o finansiranju političkih stranaka jer finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene nismo zapazili ništa značajno što bi ukazalo na druge nedostatke u izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled godišnjeg finansijskog izvještaja Bosansko Podrinjske narodne stranke za 2007. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08).

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Bosanskohercegovačka stranka prava je iskazala prihode u iznosu od 16.866,50 KM, čija struktura je data u sljedećoj tabeli:

<b>Red.br.</b>	<b>Vrsta prihoda</b>	<b>Iznos u KM</b>	<b>Učešće u ukupnom prihodu %</b>
1	Članarina	0,00	0,00 %
2	Prilozi fizičkih lica	0,00	0,00 %
3	Prilozi pravnih lica	0,00	0,00 %
4	Prihodi od imovine	0,00	0,00 %
5	Prihodi od pr.lica	0,00	0,00 %
6	Prihodi od poklona	0,00	0,00 %
7	Prihodi iz budžeta	16.866,50	100,00 %
	<b>Ukupni prihodi:</b>	<b>16.866,50</b>	<b>100,00%</b>

U godišnjem finansijskom izvještaju Bosanskohercegovačka stranka prava je iskazala ukupne rashode u iznosu od 1.857,00 KM.

## 2. PREDSTAVLJANJE POLITIČKE STRANKE

Naziv političke stranke: Bosanskohercegovačka stranka prava. Skraćeni naziv stranke je BSP. Politička stranka je registrovana 23.05.1994. godine kod Kantonalnog suda u Bihaću pod brojem 01:1/94.

Sjedište političke stranke je u Bihaću, ulica Bihaćkih branilaca 5.

Za zastupanje stranke u 2007. godini bili su ovlašteni Besim Šarić - predsjednik stranke, Ismet Bašić - generalni sekretar, Emina Sabljaković - predsjednica Visokog suda časti, Smail Šarić i Emira Rakanović - članovi glavnog odbora. Osoba ovlaštena za podnošenje finansijskih izvještaja za 2007. godinu je bila Emira Rakanović.

U godišnjem finansijskom izvještaju BSP za 2007. godinu je navedeno da politička stranka osim glavnog odbora nema organizacionih dijelova nižeg nivoa.

### **3. OPIS PREGLEDA I KONTROLE FINANSIJSKOG IZVJEŠTAJA**

**Predmet pregleda i kontrole je** godišnji finansijski izvještaj Bosanskohercegovačke stranke prava za 2007. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je Bosanskohercegovačka stranka prava u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Bosanskohercegovačke stranke prava obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka.

### **4. PRETHODNE KONTROLE I REVIZIJE**

U prethodnom periodu izvršen je pregled godišnjeg finansijskog izvještaja Bosanskohercegovačke stranke prava za 2005. godinu, nakon kojeg je izdat izvještaj o pregledu sa mišljenjem revizora, nalazima i preporukom revizije da stranka treba postupati u skladu sa odredbama člana 4. i člana 6. Zakona o finansiranju političkih stranaka i da finansijske izvještaje treba popunjavati u skladu sa odredbama člana 11. Zakona o finansiranju političkih stranaka i Pravilnikom o godišnjim finansijskim izvještajima političkih stranaka.

Bosanskohercegovačka stranka prava nije dostavila finansijski izvještaj za 2006. godinu i revizorima Službe za reviziju je uskratila pristup prostorijama radi izvršenja revizije finansijskog izvještaja u skladu sa članom 14. stav (7) Zakona o finansiranju političkih stranaka, radi čega je stranci Odlukom Centralne izborne komisije Bosne i Hercegovine broj 01-07-6-191/08 od 18.01.2008. godine izrečena administrativna mjera kojom joj se uskraćuje pravo da se kandiduje na narednim izborima.

#### **Realizovane preporuke:**

Bosanskohercegovačka stranka prava nije postupila u skladu sa preporukama iz izvještaja o pregledu godišnjeg finansijskog izvještaja za 2005. godinu i za 2006. godinu uopšte nije dostavila godišnji finansijski izvještaj

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2007. godinu, utvrđeno je da politička stranka postupa suprotno odredbama člana 11. stav (1) i stav (3) Zakona o finansiranju političkih stranaka.

## 5. NALAZI I PREPORUKE

### 5.1. NALAZI

**Na osnovu obavljenog pregleda finansijskog izvještaja utvrđeno je da Bosanskohercegovačka stranka prava nije ispoštovala odredbe člana 11. stav (3) Zakona o finansiranju političkih stranaka jer finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka.<sup>1</sup>**

- U finansijskom izvještaju, kao organizacionu strukturu stranka je navela samo Glavni odbor BSP, a nije prijavila 10 opštinskih odbora koji egzistiraju u okviru stranke, čime je prekršila odredbe člana 10. Pravilnika o godišnjim finansijskim izvještajima političkih stranaka.<sup>2</sup>
- Stranka u finansijskom izvještaju nije prijavila promet na transakcijskom računu broj 194-103-12353001-39 kod Procredit banke u iznosu od 1.534,40 KM. Takođe promet blagajne je u finansijskom izvještaju iskazan u manjem iznosu za 3.193,64 KM od prometa iskazanog u poslovnim knjigama stranke.
- Stranka je u finansijskom izvještaju prihod ostvaren iz budžeta Općine Bihać iskazala u manjem iznosu za 1.534,40 KM.
- U finansijskom izvještaju režijsko-administrativni troškovi su iskazani u iznosu manjem za 6.128,00 KM od iznosa troškova iskazanih u poslovnim knjigama stranke, što je suprotno odredbama člana 21. Pravilnika o godišnjim finansijskim izvještajima političkih stranaka.
- Obaveze stranke na dan 31.12.2007. godine, u finansijskom izvještaju su suprotno odredbama člana 23. Pravilnika o godišnjim finansijskim izvještajima političkih stranaka iskazane u većem iznosu za 5.250,00 KM u odnosu na obaveze iskazane u poslovnim knjigama stranke.

### 5.2. PREPORUKE :

***Preporučuje se Bosanskohercegovačkoj stranci prava da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:***

- ***Da postupa u skladu sa odredbama člana 11. stav (3) Zakona o finansiranju političkih stranaka i da finansijske izvještaje koje podnosi Centralnoj izbornoj komisiji BiH sačinjava u formi propisanoj Pravilnikom o godišnjim finansijskim izvještajima političkih stranaka***

---

<sup>1</sup> U skladu sa odredbama člana 11. stav (3) Zakona o finansiranju političkih stranaka, a prema kome stranka podnosi finansijski izvještaj u formi koju odobri Centralna izborna komisija, donesen je Pravilnik o godišnjim finansijskim izvještajima političkih stranaka kojim su propisani sadržaj i forma finansijskog izvještaja („Službeni glasnik BiH“ broj 61/06)

<sup>2</sup> U skladu sa odredbama članom 10. Pravilnika o godišnjim finansijskim izvještajima političkih stranaka, stranka je obavezna u finansijski izvještaj unijeti podatke za sve nivoe organizovanja (glavni odbor, entitetske, kantonalne, općinske i druge organizacije) sa nazivom organizacionog dijela stranke, adresom, brojem telefona i faksa.

## **Komentar**

Bosanskohercegovačka stranka prava se nije očitovala na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2007. godinu koji joj je dostavljen 12.12.2008. godine.

Mr. Hasida Gušić, šef Službe za reviziju - revizor